

١١- هو كل حاجه بتحصيلي أنا فعلاً أستحقها .. أنا أستاهل

ده كله ؟

كل حاجه بتحصل انت فعلاً تستحقها! مش معناها (أحسن تستاهل إللي حصلك) !!

معنى الإستحقاق :

يعني أنت حق عليك إللي إنت فيه ، وتستحق كل ما يحدث لك سواء هو فضل وزياده أو نقص ومنع ..

والخطأ الكبير والللخبطة ..إننا بنعتقد أن كل زياده تكريم !

وكل نقص جزاء !

لأ .. هو مفيش معيار ثابت .. النقص وارد يكون جزاء ووارد عطاء والزيادة وارد تكون جزاء ووارد عطاء ..

لكن الثابت الوحيد إن كل الحالات بكل صورها

هو أنسب وضع متناسب تماماً مع تركيبتك ونواياك وأفعالك وسعيك !

هو ما تستحقه عن حق ..

إيه هي أشكال وأنواع للإستحقاق ؟

لخصتهم في ثلاث أنواع :

١- القانون :

مثال : حطيت إيدك في النار هتتحرق ..

تستحق إن إيدك تتحرق لإنك متبعثش القانون

(ملهاش علاقة أنا إنسان حلو ولا وحش)

مثال : مخدتش حذري في موضوع .. فتنصب عليا

تستحق النصب .. القانون لا يحمي المغفلين !

(ملهاش علاقة أنا إنسان حلو ولا وحش)

مبجُدهش بالسبب المناسب والخطوه المناسبه لآليات التنفيذ

مش هتوصل وملهاش علاقة بإنك حلو أو وحش

٢- إصطفاء :

تُصطفى بسؤال صعب تتسأله .. ظاهره ألم ..

و تسأل نفسك هو أنا استحق ده ؟

آه .. تستحق الحكمة إلكي هتوصلها بعده !

والصبر واليقين في الله .. إلهي مش هتوصله غير بالسؤال ده
.. فبيكون إستحقاق لمنزله بعينها تعديك لدورك ورسالتك في الحياة

٢-الجزاء :

مش شرط في الدنيا تعمل شر فتتجازى عليه !

ممکن ربنا يأخر الجزاء ليوم القيامة :

(وَلَا تَحْسَبَنَّ اللَّهَ غَافِلًا عَمَّا يَعْمَلُ الظَّالِمُونَ إِنَّمَا يُؤَخِّرُهُمْ
لِيَوْمٍ تَشْخَصُ فِيهِ الْأَبْصَارُ)

ووارد بردوا يكون جزاء من ربنا في الدنيا ..

کرد فعل على ظلم ظلمته !

- طيب إزاي أعرف الفرق هل ده إستحقاق جزاء ولا إستحقاق
إصطفاء؟

بالعلم بالمنهج وإتباعك له ..

بمراقبة مركزيك .. هل هي هوى نفسك ؟ ولا ربنا ومنهجه
وقوانينه سبحانه وتعالى ؟

وطالما مركزيك (الله) فأنت في إستحقاق إصطفاء ..

الثلاث أنواع إستحقاق .. هدفه العام الإرتقاء بروحك ..
الإعداد لمراحل بعد كده .. تطهير النفس ..

العبرة إنك تتعلم وتتطور وتتوب وتكمل حياتك ومتقفش كثير
.. وربنا يقويننا وينور بصائرنا بنوره ..

